

**OKVIRNI SPORAZUM
SUKCESIVNA NABAVKA USLUGA KOLEKTIVNOG OSIGURANJA
ZAPOSLENIKA UPRAVE POLICIJE MINISTARSTVA UNUTRAŠNJIH
POSLOVA KANTONA SARAJEVO**

Strane u okvirnom sporazumu:

- 1. MINISTARSTVO UNUTRAŠNJIH POSLOVA KANTONA SARAJEVO – UPRAVA POLICIJE. La Benevolencija br. 16. kojeg zastupa policijski komesar generalni inspektor policije Fatmir Hajdarević, (u daljem tekstu: Ugovaratelj osiguranja)**
- 2. ADRIATIC osiguranje d.d. Trg međunarodnog prijateljstva 20, Sarajevo, ID broj: 4200213140004 kojeg zastupa direktor Alen Hujić (u daljem tekstu: Osiguravatelj)**

Član 1.

Strane u okvirnom sporazumu saglasno konstatuju:

- da je Ugovorni organ u skladu sa Zakonom o javnim nabavkama ("Službeni glasnik BiH" broj: 39/14, 59/22 i 50/24) proveo otvoreni postupak za nabavku usluga kolektivnog osiguranja zaposlenika Uprave policije Ministarstva unutrašnjih poslova Kantona Sarajevo, sa ciljem zaključivanja okvirnog sporazuma sa jednim ponuđačem na period od 24 mjeseca;
- Okvirni sporazum ne predstavlja obavezu Ugovornog organa – Ugovaratelja osiguranja na zaključivanje ugovora o javnoj nabavci;
- Obaveza nastaje zaključivanjem pojedinačnih ugovora o javnoj nabavci, na osnovu ovog okvirnog sporazuma, u zavisnosti od potreba Ugovaratelja osiguranja, a pod uslovima utvrđenim u ponudi ponuđača broj 73/25.

Član 2.

Predmet okvirnog sporazuma je utvrđivanje uslova za zaključivanje pojedinačnog ugovora o javnoj nabavci usluga kolektivnog osiguranja zaposlenika u skladu sa uslovima iz tenderske dokumentacije, ponudom Osiguravatelja, odredbama ovog Okvirnog sporazuma i stvarnim potrebama Ugovaratelja osiguranja.

Količine navedene u specifikaciji su okvirne i vrijede za vrijeme važenja okvirnog sporazuma.

Član 3.

Ukupna vrijednost ovog okvirnog sporazuma iznosi 222.922,00 (dvijestotinedvadesetdvijehiljaddevetstotinadvadesetdvije i 00/100) KM.

Ugovorena premija osiguranja iznosi 5,22996434 (pet i 23/100) KM (zaokruženo) mjesečno za jednog zaposlenika Ugovaratelja Osiguranja.

Ugovorne strane saglasne su da za osigurane sume navedene u tabeli ispod, iznos mjesečne premije osiguranja za 1.776 zaposlenika iznosi 9.288,41667 (devethiljadadvijestotineosamdesetosam i 42/100) KM (zaokruženo).

R. br.	Osigurani slučaj	Osigurane sume po zaposleniku u KM
1.	Smrt usljed bolesti	10.000 KM
2.	Smrt od nezgode	55.000 KM
3.	Trajni invaliditet	100.000 KM

Ukupno ugovorena premija osiguranja na godišnjem nivou za 1.776 zaposlenika Ugovaratelja osiguranja, u vrijeme zaključenja ovog Okvirnog sporazuma, iznosi: 111.461,00 (jedenastotinajedanaesthiljadačetiristotinešezdesetjedna i 00/100) KM. U skladu sa odredbama Zakona o PDV-u, usluge osiguranja su oslobođene plaćanja PDV-a.

Na osnovu Izvještaja o toku i završetku E-aukcije od 05.06.2025. godine, cijena je umanjena za 4,21 % u odnosu na cijenu iz Ponude i ista se nakon toga ne može mijenjati ni pod kojim uslovima.

Osiguravatelj se obavezuje na nepromjenjivost ponuđenih cijena tokom cijelog ugovorenog perioda i da će pod istim uslovima u periodu trajanja ovog okvirnog sporazuma pružati usluge kolektivnog osiguranja zaposlenika Ugovaratelja osiguranja. Cijene su fiksne i ne mogu se mijenjati za vrijeme važenja ovog Okvirnog sporazuma.

Pojedinačni ugovori unutar okvirnog sporazuma mogu se zaključivati samo do iznosa ukupne vrijednosti okvirnog sporazuma, dakle okvirni sporazum prestaje sa važenjem utroškom cjelokupne vrijednosti Sporazuma i ne može premašiti ugovorenu vrijednost na koju je okvirni sporazum sklopljen.

Ukoliko Ugovaratelj osiguranja potroši svoja naprijed navedena sredstva za realizaciju predmetne nabavke i prije isteka roka na koji je sklopljen okvirni sporazum, isti će se smatrati automatski raskinutim sa danom posljednje izvršene isporuke, odnosno plaćanja fakture za isto.

Član 4.

Nakon zaključivanja okvirnog sporazuma, ugovorne strane će zaključiti pojedinačan ugovor o javnoj nabavci.

Pri zaključivanju pojedinačnog ugovora, ne mogu se mijenjati bitni uslovi iz ovog okvirnog sporazuma.

Član 5.

Sporazumne strane su saglasne o sljedećem:

- Kolektivnim osiguranjem zaposlenika obuhvaćene su sve osobe zaposlene kod Ugovaratelja osiguranja (policijски službenici, državni službenici i namještenici) bez obzira na njihovo zdravstveno stanje, opću radnu sposobnost i godine starosti;
- Osiguranje od nezgode - nesretnog slučaja – je osiguranje koje pokriva štetu nastalu usljed nezgode. Nezgodom ili nesretnim slučajem smatra se svaki iznenadni, nepredvidivi i od volje osiguranika nezavisan događaj koji, djelujući uglavnom izvana i naglo na tijelo osiguranika, ima za posljedicu njegovu smrt, potpuni ili djelomični invaliditet, prolaznu nesposobnost za rad i narušavanje zdravlja koje zahtijeva pomoć doktora – liječnika.
- Rizici koji se ugovaraju i osigurane sume koje se traže prema usluzi kolektivnog osiguranja zaposlenika Uprave policije su:

1.	Smrt usljed bolesti	10.000 KM
2.	Smrt od nezgode	55.000 KM
3.	Trajni Invaliditet	100.000 KM

- Trajni invaliditet - nesretni slučaj – smatra se svaki iznenadni i od volje osiguranika nezavisan događaj koji, djelujući uglavnom izvana i naglo na tijelo osiguranika, ima za

posljedicu njegovu potpunu ili djelomičnu invalidnost, prolaznu nesposobnost za rad ili narušavanje zdravlja, koje zahtijeva liječničku pomoć.

- Osiguranje se pruža pod jednakim uslovima za svakog zaposlenika.
- Tokom trajanja ugovora može doći do promjene broja zaposlenih po raznim osnovama (prijem u radni odnos, prestanak radnog odnosa).

Sve promjene broja i imena osiguranika će biti prijavljene osiguravajućoj kući u roku od 10 dana od dana nastanka promjene po bilo kom osnovu - osiguranje pokriva period od dana nastanka promjene, a ne od dana dostavljanja obavijesti.

- Osiguranje obuhvata nezgodu na poslu i van posla, punim 24 sata dnevno i / dana sedmično bez teritorijalnog ograničenja, što znači da osiguravatelj nosi rizik u bilo koje vrijeme i na bilo kojem mjestu.
- U slučaju da se desi osigurani slučaj osiguravatelj isplaćuje punu osiguranu sumu za smrt usljed bolesti (ako zaposlenik umre prirodnom smrću) i za smrt usljed nezgode (ako smrt zaposlenika nastupi kao posljedica nesretnog slučaja). U slučaju da se desi osigurani slučaj tjelesne povrede (trajni invaliditet), isplaćuje se u procentu koji odgovara procentu djelomičnog invaliditeta i vrsti povrede u odnosu na punu osiguranu sumu za trajni invaliditet (tjelesnu povredu) usljed nezgode.
- Premija osiguranja je ponuđena cijena po zaposleniku mjesečno.
- Od prvog dana trajanja osiguranja Osiguravatelj je obavezan da isplati cijelu ugovorenu osiguranu sumu ako zaposlenik umre prirodnom smrću ili kada kao posljedica nesretnog slučaja – nezgode nastupi smrt zaposlenika.
- Od prvog dana trajanja osiguranja Osiguravatelj je obavezan da isplati iznos koji odgovara procentu djelomičnog invaliditeta, obračunatog u odnosu na punu osiguranu sumu za trajni invaliditet i tjelesne povrede usljed nezgode zaposlenika.
- Sastavni dio ovog ugovora su:
 1. Opći uslovi za osiguranje (zaposlenih) od posljedica nesretnog slučaja (nezgode) za koje je nadležna agencija za nadzor osiguranja dala saglasnost;
 2. Dopunske uslove za kombinirano kolektivno osiguranje zaposlenih od posljedica nesretnog slučaja za koje je nadležna agencija za nadzor osiguranja dala saglasnost;
 3. Tablica za određivanje postotka trajnog invaliditeta kao posljedice nesretnog slučaja (trajnog umanjenja opće radne aktivnosti) za koje je nadležna agencija za nadzor osiguranja dala saglasnost.

Član 6.

Za osiguranje zaposlenika Ugovaratelja osiguranja od smrti usljed bolesti, smrti usljed nezgode i trajnog invaliditeta, Osiguravatelj će izdati Ugovaratelju osiguranja posebnu policu osiguranja, sa tačno preciziranim osiguranim sumama i premijom osiguranja po svakom zaposleniku, a u skladu sa pojedinačnim ugovorom.

Polica o osiguranju, iz prethodnog stava, takođe čini sastavni dio pojedinačnog ugovora.

Ugovaratelj osiguranja će ugovorenu cijenu plaćati mjesečno (u 24 rate) Osiguravatelju u roku od 30 (trideset) dana od dana ispostavljanja uredne fakture, na tekući račun Osiguravatelja.

Iznos mjesečne premije kolektivnog osiguranja zaposlenika računat će se na osnovu dostavljenog broja zaposlenika za taj mjesec.

Član 7.

Rok isplate osigurane sume ne može biti duži od 15 (petnaest) dana od dana prijave osiguranog slučaja sa kompletnom dokumentacijom, a u skladu sa važećim Zakonom i uslovima za osiguranje lica.

Osiguranje važi od 00,00 sati dana koji je označen kao početak osiguranja, a prestaje u 24,00 sata dana koji je u polici naveden kao dan isteka osiguranja.

Isplate po osiguranom slučaju Osiguravatelj će isplatiti direktno osiguranom zaposleniku i o tome obavijestiti Ugovaratelja osiguranja.

Član 8.

Osiguravatelj nema pravo zapošljavati, u svrhu izvršenja Okvirnog sporazuma i unutar njega zaključenih pojedinačnih ugovora, fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažirala Komisija ugovaratelja osiguranja za javne nabavke, najmanje 6 (šest) mjeseci po zaključenju ovoga okvirnog sporazuma, odnosno od početka realizacije Okvirnog sporazuma.

Član 9.

Ovaj okvirni sporazum se zaključuje na period od 24 mjeseca, a stupa na snagu danom obostranog potpisivanja ovlaštenih osoba sporazumnih strana i počinje se primjenjivati od dana prestanka važenja potpisanog okvirnog sporazuma i na osnovu njega pojedinačnog ugovora koji su na snazi.

Svi rokovi u vezi s ovim okvirnim sporazumom računaju se od dana okončanja postupka javne nabavke u skladu sa članom 72. Zakona o javnoj nabavci, ili od dana prestanka važenja potpisanog okvirnog sporazuma i na osnovu njega pojedinačnog ugovora koji su na snazi.

Član 10.

Na ostala prava i obaveze ugovornih strana, koja nisu regulisana ovim okvirnim sporazumom, primjenjivat će se odredbe Zakona o obligacionim odnosima.

Član 11.

Eventualno nastale sporove pri realizaciji ovog okvirnog sporazuma, strane u Okvirnom sporazumu će rješavati sporazumno, a ukoliko to nije moguće, utvrđuje se nadležnost Suda u Sarajevu.

Član 12.

Ovaj okvirni sporazum izrađen je u četiri (4) istovjetna primjerka, od kojih po dva (2) zadržava svaka strana.

OSIGURAVATELJ

Direktor

Alen Hujć

Broj: 3192/25
Datum: 15.07.2025 godine

UGOVARATELJ OSIGURANJA

POLICIJSKI KOMESAR

Generalni inspektor policije

Fatmir Hajdarević

Broj: 02-11-4-2696-7/25
Datum: 09.07.2025 godine